

¡ALPERRIK!...



(VICTORIANO IRAOLA JAUNARI DONKITUA)

Ekachan putsak jene! entzuten dira
zarata itzalez gure lur maitean....
Begira... aditu... zaratok eztira
gure mesedez sartu Euskal-errira....
¡Zerbait dakarre zaratok aldean!...

.....

Erdal-ekachak, gorrotoz jagirik,
egunen baten, Euskadin kaltean,
dabilz amurruz eta atseden barik,
Amacho Euskera lurpetu gurarik,
euskaldun zarren oituran ostean.

Ebroko ibaiak nai dituz estaldu
laiño sendoaz euskaldun mendiak,
ikusi eztaizan Asaben erriak,
errime eiñ arren begiak zabaldu,
Euskadin Ebrok eiñiko zauriak.

Zauri tzar orrek laiño estaldurik,
nai dausku ak egiñ zauri bat barria,
zauri nagusi ta oroimengarria....
Euskera obira biraldu gogorrik,
asetuteko motzen egarria....

.....

¡Baiña ez! Alperrik laiño inguratu
Euskadi; alperrik puts orrek atara,

eztausku egingo Amacho obiratu
 Ebrok, Amacho-zaleak bagara,
 oraiñ artean dogun lez maitatu,
 ¿Euskera ill?... ¡Ezta!! Euskera berbetan
 euskaldun-miñak dabillen artean,
 eztabe erdalak gure lur onetan,
 zertan icharon obian atean
 Euskera Amari ¡Bizi da minetan!'

PAULO ZAMARRIPA TA URAGA.

AMA BIRJIÑARI KANDELARIYO EGUNEAN

Gogoratzen naiz nola chikitan
 (umea nitzan artean)
 gertaturikan egun batean
 elizcho baten atean
 busti bustiya eta kezketan
 eziñ egonik pakean
 aman esana nik ez egiña
 senti nuen biotzean.

Eliz barrenan, kant'ederretan
 t'oso doñu politean,
 Ama Birjiña, guztien Ama
 gogoz Onratzen zuten an,
 t'aiñ gauz ederra: paregabea,
 nik entzuten nuenean....
 alaitasuna era pozkida
 ziran nere barrenean.

Pozez beterik, igarorikan
 jende guztien tartean,
 umill-umillki belaunikatu
 nitzan Amaren aurrean,
 eskaturikan chit fede biziz
 ni an negon bitartean
 oso legortu zitzala arropa
 neuzkanak nere soñean

Era kantari eginaletan
 gozo ari giñanean
 zarpa bustiyak ke lurriñetan
 idor ziran gorputzean.
 t'eliz atean pozkidaz salto
 egiñ nuben ondorean.

.....
 Gisa berean lagundu, Ama,
 t'iduki zure mendean!

RAMÓN ILLARRAMENDI.

(1) *Mina*, en guipuzcoano *mingaina*, en castellano *lengua*.